

# Т у г ъ л ч и н д а м ш л т

Колхозин фермд кӧдлмш хӧадж тӱрӱн ирхдӱн, юн чигн кӧдлмшин эв-аргъ Соня меддго билӧ. „Ода чигн бичкн“ гидж колхозин медӧтнр чигн иткл уга хӧлӧц Соняд ӱзӱллж бӧӧсмн. Болв фермин тугълч гидж, шин тӧрсн тугълмуд хӧлӧлгънӧ кӧдлмшт гаргъв.

Тӱрӱн сардан дамшлтта, медӧтӧ малчнрла Соня кӧдлв. Эс медгдсӧн ӧӧрӧн йовсн ӧмтнӧс данъгин сурдж, кӧдлмштӧн гарсн хаджгъран цагтнъ чиклдж, бийӧсн ах малчнрас ӱлгӱр авч, кӧдлмшин ик эв-аргъ теднӧс дасв.

Эн ӱвл тӧрсн 25 тугъл Хоняева Соняд, хӧлӧдж ӧсктхӧ гидж даалгъла. Эн тугълч тугълмудан цугтнъ сӧн чинӧтӧ, гем-зовлнъ уга бӧрджӧнӧ. Ӧдрт 6 дакдж хотинъ ӧгч, усинъ ӧгнӧ. Тугълмудтан Соня йир дурта, кӧдлмштӧн чигн дурлдж кӧдлнӧ. Тер учрар тугълмудиннъ бӧӧх бӧӧрнъ данъгин цевр, хагсу, ӱвлин дуусн нег чигн тугъл гемтсн уга

Зоотехникӧс болн малин ӧмчӧс заавр кӧдлмштӧн Соня данъгин авна. Эднӧ заавр кӱцӧдж, тугълмудиннъ цогц батрдж, ӧслтнъ сӧн болтха гидж, сӧн дулан ӧдрмӱдт тугълмудан цевр, хагсу, ик, делгӱ хашад тӧвдж наадулна.